

समे – 12:25

<><><><><><>

PM-National Games

प्रधानमंत्री नरेन्द्र मोदी होर अज्ज उत्तराखंड दे देहरादून दे महाराणा प्रताप स्टेडियम च 38मीं राष्ट्रीय खेड्डें दा उद्घाटन करगंन। राष्ट्रीय खेड्ड अगले महीने दी 14 तरीक तगर उत्तराखंड दे 8एं जिलें दे 11 शैहरे च आयोजित कीते जा'रदे न। इस दरान 35 खेड्डें दे कुल 47 खेड्डें दे औपचारिक तौर पर उद्घाटन थमां पैहले इक उधमसिंह नगर दे गोलापुर च इक ट्रायथालॉन प्रतियोगिता 26 जनवरी थमां गै शुरू कीती दी ही, तेहदे च मणिपुर ते महाराष्ट्र नै पैहले तगमें हासल कीते। उद्घाटन समारोह च केन्द्रीय मंत्री, भारतीय ओलंपिक संघ ते राष्ट्रीय खडारिएं सनें बक्ख-बक्ख होर परौहने बी शामिल होंगन। भारतीय ओलंपिक संघ दी अध्यक्षता पी.टी.ऊषा हुंदा कल देहरादून हवाई अड्डे पर राज्य दियां खेड्ड मंत्री रेखा आर्या हुंदे आस्सेआ सुआगत कीता गेआ।

<><><><><><>

PM-US

प्रधानमंत्री नरेन्द्र मोदी होरें अमरीका दे राष्ट्रपति डोनाल्ड ट्रंप हुंदे कन्नै फोन पर गल्लबात कीती ते उनेंगी उंदे दुए कार्यकाल आस्तै बधाई दित्ती। मोदी होरें इक सोशल मीडिया पोस्ट च आखेआ जे गीारत ते अमरीका आपसी सरबंधें गी होर मजबूत करने आस्तै वचनबद्ध न। उनें आखेआ जे दवै मुख्य रलियै लोकें दे कल्याण, विश्व शांति, सिरिता ते सुरक्षा आसतै कम्म करगंन। दोने नेताएं हिंद प्रशांत, मध्य पूर्व ते यूरोप च सुरक्षा सनें केई क्षेत्रीय मुद्दें पर चर्चा कीती। वाईट हाउस आस्सेआ जारी इक बयानै व आखेआ गेआ ऐ जे दौनें नेताएं प्रधानमंत्री मोदी हुंदी अमरीकी यात्रा दी योजनाएं पर बी चर्चा कीती।

<><><><><><>

LG-Kavi Sammelan

उपराज्यपाल मनोज सिन्हा होरें कल अभिनव थैटर च राष्ट्रीय कवि सम्मेलन दा उद्घाटन कीता। हिंदी, डोगरी ते उर्दू भाषा दे कविएं हिस्सा लैता। त्रऊं दिनें दा एह साहित्यिक आयोजन जम्मू कश्मीर दी कला संस्कृति ते भाषाएं सरबंधी अकादमी आस्सेआ 76में गणतंत्र

दिवस समारोह दे हिस्से दे तौर पर कीता जा'रदा ऐ। उपराज्यपाल होरें कविता आले सत्रें च हिस्सा लैने आले जम्मू कश्मीर ते देसे दे होरने हिस्से थमां मन्ने परमन्ने दे युवा कविणं गी ममारकबाद दित्ती ऐ। उनें आखेआ जे राश्ट्रीय कवि सम्मेलन साढ़ी साहित्यिक विरासत दी समृद्धि ते बन्न सबन्नता गी दशग्रंदा ऐ ते इनें सत्रें च असेंगी अपनी सभ्यता दे ज्ञान ते परंपरा दा इक भंडार दिखने दा मौका थहोंदा ऐ। जेहड़ी सदिएं परानी ऐ। इस मौके पर उपराज्यपाल होरें डोगरी, हिंदी ते उर्दू भाषाएं दे महान साहित्यकारें गी नमन कीता ते समाज च कविणं ते साहित्यकारें दी अहम भूमिका पर लोह बी पाई।

<><><><><><>

Transport Minister

ट्रांसपोर्ट मंत्री समीश शर्मा होरें नरवाल जम्मू दे क्षेत्रीय ट्रांसपोर्ट अफसर दे दफ्तर दा चानचक्क दौरा लाया ते कम्मकाज दा जायजा लैता। मंत्री होरें हर इक काउंटर दा निरीक्षण कीता ते उत्थें मजूद अधिकारिएं कन्नै गल्ल कती। उनें उत्थें उपलब्ध करोआई जा'रदी सहूलतें दा जायजा लैता। अमले कन्नै गल्ल करदे होई मंत्री होरें लोकें गी अहेतर सेवा समें सिर उपलब्ध करोआने पर जोर पाया। उनें डिजीटल तकनालोजी दे इस्तेमाल पर बी जोर दित्ता तां जे पूरे पराते सरिस्ते गी पारदर्शी बनाया जाई सकै।

<><><><><><>

Sec RDD

ग्रामीण विकास ते पंचैती राज मैहकमे दे सचिव मोहम्मद एजाज असद होरें पंचैत घरै, सेवा केन्द्रें, पंचैत लर्निंग सेंटर दे निर्माण कम्में गी तेज करने दी जरूरता पर जोर पाया। इस सरबंघै च लग्गी दी बैठक च सचिव होरें पंचैत घरें दे सरबंघें च चला'रदे सारे कम्में गी 31 मार्च 2025 तगर पूरा करने दियां हिदायतां दित्तियां। उनें इलाके च जित्थें पंचैत घरै लेई जमीन सरबंघी मामले अजें बी हैन गी दूर करने लेई सरबंघी डिप्टी कमीशनरें गी गलाया। अजें तगर 258 पंचैत घरें दा निर्माण कीता जाई चुके दा ऐ। सचिव होरें जोर देइयै आखेआ जे पंचैत घर मकामी स्वयं शासन, ग्रामीण प्रशासन ते सेवाएं दी बेहतर ते कारगर ढंगै सिर पुज्ज गी जकीनी बनाने लेई अत्त लाजमी न।

<><><><><><>

DC Udhampur

वित्त मैहकमे मूजब बड्डी विकास परियोजनाएं गी किट्ठे इक्कै थाहर पर आन्नने ते पैहल दी बिनाह पर लागू करने लेई इक बैठक सद्दी गई। इस बैठक च उधमपुर पच्छिम विधायक पवन कुमार गुप्ता, चनैनी थमां विधायक बलवंत सिंह मनकोटिया, उधमपुर थमां पूर्व विधायक रणबीर सिंह पठानिया ते रामनगर थमां विधायक सुनील भारद्वाज, उधमपुर दियां डिप्टी कमीशनर सलोनी राय ते एडीडीसी राजेन्द्र सिंह ते होरने जिला अधिकारी शामिल होए। बैठक दरान विकास एजेंडे दे बक्ख-बक्ख पैहलुएं पर तफसीली चर्चा कीती गई जिंदे च सेक्टर स्थाबै कम्में गी तरजीह देना ते विकास आस्तै योजना बद्ध सरिस्ता जकीनी करना शामिल ऐ।

<><><><><><>

Cricket

मर्दे दे टी-20 अंतर्राष्ट्रीय क्रिकेट मैच च अज्ज भारत दा मकाबला इंग्लैंड कन्नै होग। एह मैच अज्ज गुजरात दे राजकोट च निरंजन शाह स्टेडियम च संजा 7 बजे होग। सूर्य कुमार यादव दे नेतृत्व च भारतीय टीम 5एं मैचें दी श्रृंखला च 2-0 कन्नै अगगे ऐ। कोलकाता च खेड्डे गेदे शुरूआती मैच च भारत नै इंग्लैंड गी 7एं विकटें कन्नै हराया। पैहले बल्लेबाजी करने आली उत्तरी इंग्लैंड दी टीम नै छड़े 132 रंज बनाए जेहदे परते च भारत नै 133 रंज बनाइयै 12 ओवरें ते 5 गेंदें च जित्त हासल कीती। दुए टी-20 मैच च भारत नै 166 रंज दे लक्ष्य गी 8 विकटां मुहाइयै 19 ओवर ते 2 गेंदें च गै हासल करी लैता।

<><><><><><>